

稻川詩草

和書門

			二六三九七	和書門
五	五	七	七	類
冊	架	函	號	

庫	文	閣	内	
二〇六函		二六三九七		和書
一	五	七		類
架	冊	號		

内閣文庫	
番號	和 26397
冊數	5 (5)
函號	206 245

詩草



稻川詩草初編卷之六

漢草文庫

駿河居士山黎治憲玄度著

文行玄昱輯

鹽谷定暹伯景訂

戶塚維春春輔校

五言排律

天驥呈才

漢朝天子貴聖德啓千年龍驥乘時出鸞輿就服
便精嘗降房駟氣舊稟靈淵瘦骨依風壯玄蹄躡

稻川詩草初編卷之六

和川言古不系 卷之六
鐵壁垂稍雲撒地懸壁月承權萬里行如滅九方
覩欲顛荆莊徒厚禮穆滿更荒畋好是河清日負
圖呈御前

奉送某公巡按奧羽

巖廊推國器使者剖珪符旌節辭霄漢駢駢巡奧
區雲隨征蓋迴雨傍画輶敷封域分荒甸川原入
版圖金華臨遠海羽吠對平蕪風俗謳歌識休明
夷夏俱列城皆仰德合浦盡還珠竣役歸來日知
君寵遇殊

同野伯憲賦

逢歡倍舊友把臂倚高亭寂莫孤燈下居然雙眼
青微霜濕蘿幄閑月上松櫺真趣憐幽楚清談入
宵冥詩唯應俊逸人自見寧馨我有瑤琴曲淨峩
對爾聽

奉別江都諸公

雄都橫地軸元宰統天維變理洪鈞轉昇平物土
夷裔雲標異瑞甘露應禎禧世泰人文盛網恢王
澤滋學皆江左逸才盡鄴中奇絳帳談經處玄亭

和川言草衫編 卷之六 二
載酒時魏珠家固握荆壁各矜持弱歲窺姬典抗
懷侍董惟風騷聊欲繼顏閔竊俱期荏苒炎涼改
倉皇日月馳攀鱗氣雖壯附驥跡難追節變新秋
近夜清星漢移漸知歸計促其奈夙志差寧爲尊
鱸發每思桑梓悲祖筵連曲沼羣彥餞通達贈語
兼蘭玉列尊羞羽危折楊飄急管別鶴舞哀絲豈
帝河梁淚却傷揚子岐驪駒明發去玄侶幾年隨
路陟函關險家臨廬水湄此生安蹇劣吾道宜磷
緇禮樂昭融化東瞻待鳳儀

辛亥元日

瑞日扶桑曙雲霞照海東窮陰變灰律獻節動條
風梅柳韶光裡江山佳氣中衣冠朝魏闕樓閣麗
層空世泰謳歌滿俗平文軌同幸欣昭代化煦澤
及微躬

寒夜同鹽典卿毛伯諧林子德集木子齊
叢桂亭分韻青

江東三歲客駿北一玄亭豈使風塵雜聊因杯酒
停桂筵餐玉屑蘭燭啟雲屏文拔先秦秘詩欺古

郢靈神應驚落筆交本稱忘形誰識今宵會雲霄
有聚星

西湖梅

在大龍山

神祖所手栽

寶刹一株梅 真人手自栽名嘗上苑逸幹本西
湖來紫蒼凌寒發清馥逆吹回晨霞扶鬱勃曉月
滿筵魁悉吒方香遠曼陀比色開神威驅淑氣佛
力現華魁寧擬羅浮夢竊憐何遜才應知霑德澤
千劫映花臺

東谿翫月

東谿人自少柴屋地還偏雲木含初月澗流分暝
烟光翻虛幌白影落曲潭圓深壁猿更嘯高松鶴
不眠倚窻攤道帙坐石弄清絃絕境兼澄夜賞心
復愴然

謝林子射刻印

豈啻瓊琚贈開匳精彩分錯刀嘗受法破體更無
羣鵲化新鑄石龍遊古篆雲天人慚妙巧籀史嘆
奇文寫以丹砂色佩含蘭若薰厚情何用報空此
楫清芬

鳳來寺

地德標山鎮星躔千斗牛非關靈鷲集曾是鳳皇
遊疏嶺開金界咒峰飛玉湫壁危藏寶塔岳側駕
香樓錫響應真下鶴歸羽客留愛閑憑寂茂躋險
嘆阻修石牒終無覩雲芝何處求 神人巍廟在
白日照千秋

三河道中

神祖龍飛處地靈水復清山連鳳皇嶺野擁岡崎
城雉堞雲邊麗虹橋天上橫管絃喧驛道花柳到

皇京巖險稱襟帶往來雜節旌至今豐沛俗擊壤
樂昇平

聞鹽典鄉毛伯諧海寧卿登龍瓜山遙有
此寄

石壁橫天碧霞標礙日紅崢嶸臨駿北迢遞壓安
東龍爪誰開闢傘腸險不窮晦明雖倏忽烟氣每
冥濛木魅晴呼雨嶽神夜嘯風自非靈異士疇躡
峻梯通采藥徵金虎凌雲駕彩鴻許詢才舊勝孫
綽賦當工山水孤筇外乾坤一矚中焉能換塵骨

高踏得相同

奉呈 豐洲先生

昭代生奇士斗山擁大名珪璋稱特達冠冕甲羣
英碧落文星動丹霄鳳威鳴通儒推董子博覽識
張衡投簡朱門雪泛舟滄海晴高談河漢瀉絕筆
鬼神驚幾歲陪弦誦三冬阻社盟樞趨猶在夢離
索總傷情窮巷依喬木寒窻隱紫荆家艱隻泪盡
交感百憂盈人隔函關遠思追溟渤縈書來遙鴈
信劍別秘龍精無意播篇簡徒然停酒觥風塵猶

浩蕩歲月忽崢嶸白眼睨流俗青雲期遠瀛邈懷
下帷處何作重趼行象緯東京盛洪鈞萬國平聲
譽懸魏闕氣宇壓長城鸞鷲清時瑞韶韶太廟聲
千秋經濟術終不愧昭明

禁闈翫雪

仙雲凝紫闥祥雪下金闈長樂鐘聲濕宜春花影
微璫簾寒不鎖琪樹夜相輝忽逐龍珂度紛隨鶴
斨飛縈盈識豐瑞宿直奉恩徽願得含宸藻天心
潤九畿

舟中晚望 得陽

落帆驚短晷停檝望斜陽
山晚金霞駁天寒碧浪
長鴈聲迷極浦鳥影點危檣
謝眺曾漂泊庾郎頻
感傷風潮疲水宿葭菼老
江鄉鄉國回望處雲濤
暮渺茫

訪鳳樹上人卧床分韻鹽

招提蓮界近靜習道情添
新社東林是舊儀西竺
兼諸天會龍象九夏送烏蟾
仙唄隨金磬妙詮秘
玉函晝閑雲入殿夜迴月
臨檐爐火浮香篆鐘樓

報漏籤觀心依舜若求法問楞嚴
海衆皆英發神
僧獨顧瞻呈才文藻縛殺賊寶刀
銛淨行銘肝誓
蕤章信口占桑門君自秀圭
齋我相欣會面雖時
負締交復詎嫌烟霞蹤跡浪萍梗
歷遊淹石榻苔
侵座藤蘿霧拂檐奚圖釀幻疾
却此勞鍼砭鸞翮
休高舉龍眠任伏潛保痾關別院
叩寂出窮閣草
沒蓬蒿徑鳥窺細竹簾潢流多
雨渾霽色遠山尖
葵日迴鮮蘂松颺鼓老髯起居閑
素業服餌覺青
黏爲是風憐目苦陳養引恬論傾
寶華蓋言味水

精鹽逸韻思支遁隱淪學宋纖幽期何振錫長往
尚勝鎌嗟彼離泥萼慚茲蔓野葍綺篇當貴紙妄
語孰償縑樗散人共弃陸沈唇屢頡佛恩常護戒
乾道必流謙終見紆真果毫光吐景炎

暮春雨集

惜春何限意相命倚玄亭密樹含新雨輕風送夏
霆花零舒葉綠石老長苔青藝圃窺丘索詞源翻
渤溟談唯分妙旨交是耐忘形歡極悲還集休辭
倒酒瓶

集士謹得看字

投轄情寧薄張筵交更曠卷簾檐日落對酒壺天
寬雨蒼晴饒笑露梢風未乾幽襟擬丘壑同臭見
芝蘭把臂今相得賞音古自難文園論大雅藝海
過狂瀾齊轡馳龍影望雲矯鳳翰朱絲兼白雪坐
作郢中看

次韻鳳山上人

雙林託幽鉢一壑謝浮榮駁發堪龍躍不才異鴈
鳴雖憐支遁逸有愧伯夷清戒慧承迦葉道精問

廣成應門延緇素促席忘簪纓首夏光風舉灌叢
陰雨晴綠尊傾海盡青眼向天橫河漢流雄辯烟
霞入爽情詩篇頻獻酢意氣互將迎誰識蓬衡契
卽爲蓮社盟陵朝松下酌薄夜月邊笙留滯無投
轄盤飧敢憂羹驍驍千里足卓犖五言城叨辱瓊
瑤贈悅疑金石聲芙蓉泥上出荆棘口中生欲報
猶含筆罄歡可秉檠高遊長若此佳賞况茲并側
看塵世態滄桑幾變更

采蓮

東吳采蓮女相伴盪蘭漿翠葉開眉黛鮮葩照靚
粧凌波羅帶濕停棹寶釵光晴日千山麗細風一
水香艷歌歡不見悵望意空傷腸斷平湖晚碧雲
阻且長

十五夜望月

雨洗高天迴氣寒浮藹收九霄縣皎月萬里敞清
秋遠海明堪掬長河澹欲流露篋金鎖碎烟樹碧
遭周賞趣催琴緒吟情踈酒籌自憐岑壑望塵殺
庾公樓

題畫山水圖

誰寫江湖趣能窮毫素奇翠波趨大海青嶂學峩
眉雲石臨樓動烟帆逗浦遲竹疑新雨後山似晚
霞時花外青帘出柳邊漁網垂樵尋村逕入客踏
棧橋移參錯長汀遠微茫遠勢披不知漁艇裏何
客是鴟夷

觀獵分韻

吾王無疾病露往戒戎臣鐵駟驅平野金戈耀爽
旻鼓鼙鳴九伐坐作令三申陳擁風雲氣時當鷹

隼晨分營赴長莽散隊極殊榛鳥墜青雲繳魚登
白水緝蒿間鹿跂跂縹末獹獮獮河流連防隄秦
山交靄塵從禽豈貪獲勞士且回輪爲報明君道
歸來過渭濱

寄木子慎

古郡依山轉名川抱玉來此中鍾秀氣方外得瓌
材磨墨收良馬出藍見逸才諸君雖尚矣之子獨
奇哉孔壁求遺典羲文讀古苔三冬辭已足七畧
學能該和易還憐柳隱情本擬梅携琴嘯松桂醉

酒卧蒿萊幽事偏當好春遊誰與裁烟霞一徑秘
風日千花開嶽雪當窻出河流拂枕回朋從遠方
集宴卜靜夜催士論林宗重玄儔徐孺陪締交辱
膠膝顧已愧蒙駘小屋連廬阜長懷望駿臺何時
伴高賞石榻對銜杯

人日石顯思海寧卿至

山水期同友蓬蒿枉遠尋交叨嵇呂密待愧閔周
深聊酌樽中酒爲彈膝上琴梅花開萬玉春色抵
千金逸典飛玄藻雅論諧素襟莫論賓主禮狂發

爲知音

謝曇華上人來訪

遊戲稱三昧逍遙窮四遐杯浮玄海月衣帶赤城
霞雪嶽仙河遶天池松島賒閑雲隨錫杖空水傍
袈裟遍訪文章友謬敲蓬華家玉毫驚罔象金偈
握靈蛇揮塵風迴樹開窻雨撲花誰爲青眼客且
駐白牛車粗糲羞園韭報投愧木瓜終宵猶剪燭
相對忘紛嘩

病中五首

和川言
隙景微微轉閑雲薄薄披三句看伏枕九夏尚垂
帷病豈弓蛇起夢因鹿蕉疑藥爐風自熱布被暑
仍私羣態驚陵陸孤生廢酒危乾坤如此大撫已
咲支離
其二
蟬綿抱沈痾寂寞笑微躬守黑且希老草玄孰擬
雄驥心徒伏擺鵬力未搏風藜藿謀新婦扶携憑
小童蛛絲胃書帙燕語度簾櫳無復軒車客甘眠
草莽中

其三

病癩藏吾拙寥寥掩葦門蹉跎三十歲道德五千
言六月猶添纒午天初進飡窮鱗思水泳倦翮望
林翻白日心空在青山計未論何時對親友邀月
酌清罇

其四

休戚何嗟若茅衡且泊如雖無長者轍自愛古人
書病絕香醪久癩興塵車踈庭交新樹暗月入夜
窻虛已抱烟霞疾何論儋石儲應同玄晏僻或似

子雲居

其五

南陸朱光盛北窓綠蔭清空梁翻燕子喬木已蟬
聲駟隙身徒過鱗潛病轉嬰丘園懷素尚拙訥謝
浮榮緇卷希舒向頤真憶老彭藏書嘗有志東嶽
鬱崢嶸

大歲日

八韻此歲人日庚申是爲大歲日

草閣雲霞曉山村梅柳幽坐逢人日節却愧馬齡
稠隨俗陳椒酒涉冬唯毳裘縣鶉披舊襪泛蟻酌

新藟百態姑營世三彭或作仇風塵阻素尚岑壑
曠春遊水石傷心麗烟花照眼愁琴書精舍裏何
妨老耨耨

元日

玉衡移五夜瑞日煥三朝天自蓬萊曙霞連若木
搖人歡故歲改時屬鴻鈞調海嶽窮陰散池塘宿
凍消雪殘猶點嘯風靜不鳴條原野堯封遍山川
禹跡遙鶉衣熙暎晦穀食及漁樵臘酒初泛蟻春
盤正頌椒梅花凌素霰松色隱丹青懶拙真無補

寒年視後凋

首春雨集

分韻

幽期寧有失佳會我原諳共愛春霖寂况逢臘酒
酣烟迷龍爪北花重駁城南梅藥紅將老柳條黃
半含瓊奇堪冥搜景物可窺探清言推輔嗣玄尚
接劉惔摘藻雲生筆論心月在潭歡賞連良夜誰
辭醉雅譚

村居秋晴贈武公勤

分韻

薄游來駿地嘉訊到幽棲共講羲文易曾然太乙

藜河圖筐裡秘天象橐中携刻篆今誰在彫蟲古
可替東方饒戲謔西子或妖睇要客柴門僻邀懽
秋日低雨餘苔上石霜後葉飄蹊藤席烹茶孺山
厨漉酒妻孤雲歸岫暮宿鳥入林迷論討連昏曉
溫尋折徑畦人如京與管傲似阮將稽此典應難
得詩成乘醉題

寄

靜窻披道帙因見古人心岸憤青春讞閉關白日

深伴狂拚酒伴取次辱詞林龍卧寧堪擬鳳衰誰
復尋餘花入書幌久雨濕床琴莫怪交游濶且同
玄晏淫

又疊前韻自遺

縑素黃庭字丘園白賁心特名世共棄病色年逾
深采藥徵醫籙索篋問卜林踈簾馴鳥雀閑戶少
招尋獨酌松花酒時弦流水琴詞人且有賦莫道
麗而淫

春雨與木子慎毛伯諸集石顯思

得餘字

幽篁堪避世一任世情踈奇問揚雄字閑乘董遇
餘天桃舒雨荅新柳鞞風除欣奏三杯酒咲論百
氏書乾坤猶橐籥仁義卽蘧廬炳蔚南山虎逍遙
北海魚斯遊難屢得不醉欲何如

友人宅肄釋奠儀事訖口號

得侵韻

文物摸周典潔誠仰孔林豆籩巖具禮笙管激清
音儀自庶羞奠醴從三獻樹梅花素馨動柳蔭黃
流浸明薦玄爲酒學生青作衿洋洋致如在肅肅
候來歆莫謂蘋蘩菜不堪湘益齋

和川言古初編卷之六
四月三日松桂園集邀菊池西臯河合春
近代推經藝舉天惜席珍醇堪董生北壽與杜陵
均馮鬣悲前跡鳳毛繼後塵路阻哀彌切景換感
逾頻碑碣無慙德丹青有寫真講帷羞蘊藻文宴
會佳賓松桂存遺愛琳琅出薦紳盛游唯惆悵不
見據梧人
六林官醫寬山先生輓詞
名家醫國手高韻濟時賢瀟洒超流輩丰彩映往

年愛花饒酒德嘯月接歌仙伏謁趨金殿從容捧
御筵陪游桂第迴賜服葵文鮮位踵諸侯後名彰
雄鎮前儼從何絡繹徵逐每連翩向老身將隱貽
孫謀已全投閑傲邱壑遣興藻雲烟熱海浴神瀆
南山渡夢淵櫻開霞岫暖棹破月波圓勝舉標佳
會詞林仰雅篇七句過隙駟一夜幻啼鶻素旄傾
城送生芻助緇憐餘薰玉樹秀遺稿茶經傳曾是
欽冥教數聞參老禪玄儔人已矣絕命詠淒然辱
接葶葭末却慙累德偏

密室憊坐 田玄意宅席上分韻歌

掩門安陋巷金石廢商歌謝客唯懸榻繹綦到爛
柯憊來時靜嘯坐歇或幽哦風木新霜至寒天皎
月多胸中貯五絳琴裡秘洋裁青扇欣無恙綠醇
豈有他閑情無緇涅詩韻或磨琤龜六藏如蟄狙
三其謂何室深屏自由爐冷炭頻過隱几嗒然處
却嗤似燕窠

次季璋見送之作韻

眼底千秋業胷中萬首詩驥心周蟻垤鵬翮夏雲

湄把酒春風暖論文夜漏移漸臨衰老日共恨別
離時遠水連空淨輕烟逐馬隨明朝函谷外盛藻
慰相思

季璋宅集席上分韻 田平麟在坐

北渚幽人屐南臺高士莊兩雄今邂逅孤客興飛
揚芹語神應哭五言城孰常從橫真勁敵黯澹秘
精鉉白雪歌偏遠幽蘭曲更芳六鼇龍伯後季璋
長一壑謝鯤傍子麟阻雨留歸杖暫時卸旅裝
踈紅綻風芻密翠滴烟篁勸酒旗為令裁詩錦作

章盤香劈寒橘羹熟進河魴玄賞開談圍素封得
醉鄉驢言存麗藻不必縮垂楊

肄祭聖畢春園雅集 分韻覃

雅集春園裏同朋喜盍簪享神先舍菜希聖共開
函道自經該九易原才兩三雍雍陳俎豆娓娓折
論談設席分餘餽飛杯至半酣無邪詩思遠有踐
禮容諳翰墨酬將獻中和樂且湛晴霞臨酒麗嫩
柳拂筵甃黃鳥瑤管外紅亭機嶺南此游真雅集
請莫促歸騾

稻川詩草初編卷之六 終

千戈鎮大東今日偏欽滂沛澤昇平熙樂及無窮
駁城

樓堞重重挿太清歸然當日聖王名堰河西帶黃
流轉函谷東襟紫氣明如道梁園稱警蹕終聞太
叔據京城永圖猶見貔貅衛歲歲金戈屯列營

其二

關左鎮城餘霸蹤金湯萬古護王封門銜雪嶽三
千丈日映雲霓十二重割據時移變陵谷分爭天
厭付人龍一戡禍亂乾坤泰九陌春光日更濃

龍爪山

峭嶮長巒霄漢邊誰攀石路俯高巔雷聲忽震中
峰樹雲氣常封小洞天丹父噴烟神蟒瘞巨靈拔
木大風顛荒陬自古多奇譎青史誰徵遺老傳龍
之山有神焉鬻齒齒圓日出入有風雨大木盡拔有
物焉如蟾蜍大如百石困是嘔氣能成雲霧蟒蝎
毒蛇遇之則死名曰丹父

晴後寄林山人

憐君披髮卧林丘兩地春光獨倚樓花落烟深芳
草徑雨晴江敞木蘭舟關河渺渺鴻聲遠雲樹蒼

蒼暮色愁好是相思招隱地聊裁尺素問滄洲
繁華當昔壓中州還吊遺墟落日愁山出猶盤龍
虎勢臺荒無復鳳凰游霸圖惆悵隨蔓草玉氣銷
亡委古丘人事併隨江水去空將客淚灑東流

和鹽蕙圃聽鶯之作

黃鳥啾啾春晝深小園傾耳滌幽襟纔藏柳色翻
金羽忽傍花間象玉琴千里同憐求友意百年自
分止丘心雙甘斗酒君無薄對酌陶然賞好音

望嶽亭

駮豆蒼茫嶽色中海濱綺構望尤雄蜃邊樓對三
峰雪鵬際雲飛六月風美髯洲南行凍雨箱根關
北半烟虹醉來時倚彫闌臥夢駕皓鸞上碧空

鎌倉

鎌倉伊昔擬王畿往事回頭空是非扇谷蹤荒生
綠草鶴陵樹古蕭彤扉雲低殘壘寒鴉集日落亂
山行客稀唯有關河長不改天風蕭颯卷征衣

海畔望月

月湧海心雲嶠蒼洗洋萬里蕩清光遠浮貝闕星
辰宿忽走瓊岑波浪長解佩不頃逢漢女褰裳且
欲擬秦皇寄語蓬島羣仙子水怪天琛何處藏

咏石

嘗聞貞女泣羅裙詎識神牟變作羣突兀峰巒貯
庭趣淒涼雨露長苔文高懸蜀鏡千秋月移向梁
園膚寸雲獨有宋人猶十襲時時拂拭獻明君

送關道和尚

新領名藍住沃州英風幾年冠緇流行開覺路金

爲刹去渡冥津盃作舟地近蓬萊雲五色天留蓮
岳雪千秋一燈遙識西天外白日高懸照四洲

夏日長英寺集

壯游盡日倚香闥檻外長河白石粼雨意將雷歸
杳渺雲容迎夏競嶙峋玄論自謂空同色狂態方
知醉是真向晚諸天罔象暗祇今誰爲得珠人

偶題

昆陽樹色覆丘園心跡蒼茫難共論倚伏不分三
萬日行藏附與五千言一溪涼月松雲薄多雨新

晴水木昏玉軫瑤簫何限意無人相憶問蘭蓀

盧峰迴合倚青冥遲日登臨躋翠屏苔磴禽棲苦

提樹藤龕僧誦貝多經雲來石壁迷新雨碑仆頭

陀失舊銘勝境時時恣探歷聊畱詩賦苔山靈

青楓館重送琴溪山人歸遠州

彥會挑燈賞自湛清霜寒月滿城南百年俯仰身

空過一夜周旋酒半酣皮裏春秋知褚裯坐中高

尚有劉惔明朝垂釣溪山者羨爾烟霞結草菴

訪木子慎人

不甘朱邱曳長裙却對桂叢耽著書儒業舊嘗推

服子服虔字賦才今復見玄虛木玄虛有海賦客到三逕

塵蹤絕并照孤樽清興舒相遇良宵須一醉饒他

浮世嘆居諸

大雪夜真叔維野伯憲見過于集虛洞

薄暮彤雲鎖翠微何期五仲即柴扉仙人鶴斨衝

鶩毳困客冰絃動玉徽蘭室歌高凌郢曲麻源山

秀似曹衣莫言張蔚蓬蒿隱此夕瓊瑤自四圍

宿鼇山山房

山房一夜思氤氲共倚繩牀語梵文
巖類聖燈纖月映林通神液片泉分
波濤暗卷江門雪衾枕冷侵棟裏雲
清曉欲知幽夢處微芳洲畔白鷗羣

今作三保

游松雲寺

松門寂寥音歷掩禪堂幽訊轉憐夏日長
烟灌微微來好雨風篁冉冉引踈涼
聊濡霜翰題雲壁更解蘿衣卧石林
清賞人間誰得伴江湖世態久相忘

大液春望

昨夜春風吹絳河翻作大液一層波
九天宮殿中流見五色雲霞上苑多
闌外瑤華棲孔翠橋邊錦石簇龜鼉
極知此地移仙仗頌就應同魚藻歌

代簡寄仙臺古梁尊者尊者住瑞鳳寺有碧梧堂

燕鴈迢迢幾度來離懷千里向誰裁
豈無藝苑瑚璉質鬱見空門藻黻才
金界碧梧標鳳刹白雲明月滿仙臺
相思時取華篇誦天籟雜風動暮哀

詠雪後

咸京夜雪霽層空瓊殿瑤臺指顧中似駕鸞車游
闥苑疑披鶴氅向玄宮虎眠草際誰知石鷺落林
間總是風快馬縮毛如蝟磔將軍朝獵渭城東

呈尾藩如來先生

十年久負宿儒名海內賢豪推主盟自謂雄才縱
經術况臨大國樹風聲朱門禮儼荆王醴絳帳坐
高南郡榮總是嚶鳴能接友中原騷客爲君傾

送伴脩之歸甲州

阿兄子謙以書
鳴于甲亦能文

才子乘春憶故鄉無端邂逅是離堂名蹤大陸思

鸞聳書與右軍競鴈行爲客蘼蕪芳已老歸家山
水路偏長不須更著萊衣舞囊裡新詩錦作章

詠野史

織田信長

新開岐府樹風聲霸業漸興傑駑名玉版旣收三
越地金戈兼統五畿兵暗宵燹火燒台嶺白晝風
霆擊峽城一旦蕭牆狂刃發千秋流恨未全平

元日

五夜雲鐘曙景開窮閭何事遇春回高情徒擬哀
安卧多懶深慚中散才嫩促風光襯新柳猶留雪

色在寒梅萱闥無恙慈顏少喜稱南山獻壽杯

贈柴隱居時柴將祇役於東都

憐君晚節傍紅塵不道人間藏此身星象夜明少

微色風流時稱葛天民黃金白壁看羣態獨鶴片

雲且自親二月東京花若錦賞心孰與碧山春

賦得松奉壽 大夫人六十初度

春園百卉競芳芬獨有靈根迥出羣風靜高巢來

鶴唳年古楨幹動龍文層標夜宿瑤臺月偃蓋晴

飛碧海雲方識長扶眉壽色南山佳氣對氤氳

遊棚倉侯別業

曲榭小樓落日曛名園勝槩迥無羣縈迴水極長

汀轉平遠山當要處分振鷺閑翻樹間雪游魚常

泳鏡中雲誰知朱邸青門裏能許野人逃暑氛

訪佛國和尚伊豆北條真珠院

嘗說真僧講貝多命車千里偶相過既欣白社參

玄語况看碧雲作大歌竹日引涼金瑣碎屏風擁

殿翠嵬峩豆南方識津梁遍祇樹年年長寶柯寺號

祇樹林故云

訪寂上人得鹽字

臺殿陰森交畫檐郊頭問訊幽情添雨晴茵閣秋
生砌風動木犀香入簾素抱曾投青玉案玄言自
勝水晶鹽雲游他日如相問西顧芙蓉一點尖

元日

萬里東風麗景初五雲抱日上清虛漢家太史頒
新曆堯野遺民偃舊廬時秦井丘輕稅歛地幽水
石足耕漁烟霞滿目春光富誰謂柴門無斗儲

送松雲上人歸參河

西望參河遙送君東風飛錫趁歸雲白砂驛上逢
初雪赤阪亭邊乘曙氛勝地抽毫畱麗藻精蘭投
跡講金文粉榆縱是多相識莫憶故山猿鶴羣

壽東溪和尚八十

兩耳垂肩雙眼方空山幾歲奉空王含咀嶽頂千
秋雪翻作眉頭八字霜花遶錦屏多瑞色雲隨金
偈吐毫光手栽松樹今凌漢壽考知君如此長

久雨

久雨森森滴草堂閑牕扶病倚胡床西疇宿麥沈

香川言古初編

九

雲黑東墅標梅結子黃溪澗波高石如幙閣門草
沒水為鄉何堪伏枕三旬外裁賦沈吟擬景陽

詠蝸牛

自載穹廬出復藏頑然久與物相忘應龍有角偷
何惜黃犢同名喚不妨花際雨晴負暄卧墻陰苔

滑引涎長似修清靜無為道吸露餐風樂未央

孟陬十七日奉寄 豐洲先生

風流憶昔絳帷邊挾策摳衣陪盛筵琴操我洋歌

古調園開松桂澹春烟山中此夕空吟月門下何

人更頌鱣誰識少微雲霧裡遙瞻天畔德星懸

東風

東風習習引繁陰灑作仲春十日霖未發桃花紅

黯冉漸舒柳葉綠深沈清遊久廢登山屐幽抱空

彈流水琴寂寞柴門人不問千秋自愛遂初心

平泉覽古

千秋形勝自依然一吊遺墟落日懸西嶺遙連南

部界東洋迤合北神川草荒白鳥名啼殘柵樹古

紅櫻媚暮天維昔三衡雄據地唯餘春色似當年

香川言古初編

九

與服子雄登妙見山
千載龍門幾客登
提携城北倚峻嶒
欄前風雨河流折
天際峰巒海氣蒸
雙眼乍開瑤樹色
片心相映玉壺冰
清游不啻幽襟適
今日共歡陪李膺

行圃過丘林精舍值雨

時主人盃筍
羹茗飲

山樊折柳護桑麻
乘興幽尋古梵家
雲擁千峰霖雨暗
僧占一室世緣遐
盤羞謝豹啼時笋
鼎煮仙人掌上茶
服罷冷然風御似
不愁歸路野泥遮

訪松林舍

微芳洲上有茅齋
問訊不勞着草鞵
孤棹凌烟波渺渺
萬松深處鳥喙喙
門臨蘋渚風初冷
窻對蓮峰雲半埋
勝話總殊塵世想
更邀明月照高懷
幽亭相對絕煩囂
洲渚烟生秋鴈號
玉塵談空玄賞遠
朱弦流水逸音高
月光暗渡驪龍窟
松籟真翻白鷺濤
境清却驚凡骨冷
從君乞取褐寬袍

中秋望月

山樊望月倚烟扉
淡藹全收耿素輝
桂子香飄金粟落
古桐風繞玉琴微
海天夜色魚龍冷
朔地秋

和川言直... 光鴻鴈飛獨坐且吟招隱賦誰能携手此同歸

經箱根

盤盤征路入箱根旭日彤霞晴復昏莎笠響時松
子落竹筇支處土花繁驛樓雲結仙人市湖水雲
開玉女盆初信神仙非妄作瑤池此處即崑崙

遲日

遲日輕風暖弊裘郊邊緩步意悠悠晴烟淡掃春
山黛淑氣偏明遠水流處處紅桃開露葉翩翩白
鷺下河洲野村已見催農事溪畔一犁耕綠疇

答文山上人見寄

聞君巖穴寄禪扉一任人間知者稀玉洞霞蒸沆
瀣飲石林雲冷薜蘿衣供花幽鳥階前戲行雨乖
龍鉢裡飛相思空望千山色獨吟新偈奉音徽

元日

廬水春回淑氣浮草茅不改弊貂裘百年天地供
高卧一壑林泉足獨遊鵬鷁有心各自適龍蛇乘
煖欲幽繆嚶鳴已有遷喬鳥吾亦友生欲見求

和松雲上人雨後作次韻

梵園夜雨撲禪扉曉卷疎簾弄曙暉嫩草惹烟初
幕幕殘雲抱岫故微微色空應是觀來妙名利何
論戰勝肥傷就龍天堪共護時看彩筆縱橫飛
靜好堂值雷雨
壯游把酒倚高亭南海奇峰忽杳冥雲際飛電趁
鳴翼天邊怪雨帶龍腥樹摧霹靂搖千嶂岸泐波
濤立四溟却怕鮫函神化去半酣笑撫古青萍
幽興
誰謂閑身薄世營春來幽興滿茅衡古梅新柳東

風色黃卷青燈夜雨聲靜煮茗旗奉慈母且携酒
榼聽啼鶯巴江水淺廬原綠好把形骸供釣耕人

宿蒼仙堂

四野秋風香稻華主人林館絕紛嘩白岩夜吐三
更月金谷晨開五色霞不啻階庭擢蘭玉兼憐朋
好駐軒車杯尊一夕交驩地醉後寧知烏帽斜

白岩寺

在鴨田
驛北

臺殿全模明佛宮焜煌金榜大河東一蹊遠上藤
蘿外萬井俯窺杳渺中暮靄罩林千嶂黑夕陽入

水半川紅山僧不管登攀客晚磬數聲渡碧空
萬壑千峰隔世塵荒村墟曲亦迎春素梅黃鳥皆
堪賞白石清泉自不貧有地恰營三畝宅任天久
作一閑民未能真正拚時俗咲學傍人著葛巾
蓬萊峰曙轉紅輪茅屋依然瑞景新年齒慚同賈
太傅鬢毛既似潘安仁詩篇擅挾鶯花賞耕釣自
甘丘壑身偏悅樂湛兄弟宴稱觴俱侍封大夫

古柳

古柳巘岈河水湄秋霜蕭索半無枝空餘昔日桓
溫淚非復當年張緒姿樓外風前聞暮笛斷烟暝
色宿寒鴟庾郎賦就多哀感不獨灞橋送別時

寄大鑪忍上人

憶昔東林結社時童冠相引日追隨蓮花移漏猶
論古蕉葉代牋共寫詩正謂交遊長若此何圖契
濶至于茲卽今空對秋風暮落葉寒雲見背馳

喜友人至

郊外水田平接雲城南地僻絕人羣爲憐迎客開

新醞不妨挑燈論古文遠岳殘陽春雪白一叢脩
竹暮烟分琮琤庭際風泉響聊且畱君靜夜聞

清明獨坐

雨霽林亭敞午天坐逢佳節還蕭然三春江色桃
花水千里風光榆柳烟踈懶任穿東郭履文章誰
會南皮筵舊游回首多寥落吟罷新詩獨自憐

謝東溟上人來訪

上人初名真梁十二年前在廬山結夏

湖海悠悠一錫飛天風吹送六銖衣心如明月無
南北身共浮雲絕可非到處名山畱盛藻一時蓬

室話冥機往年期爾文中王真契于今喜不違

謝杉山方叔來訪

雪晴銀浪四山連嘉訊還如訪載船不是山川孕
秀氣那知鬢序出才賢千秋修業素王後一夜論
文明燭前寄語仙河汎瀾水流漸爲我阻歸韉

寄和少兄

幽事近來應不閑氣清天朗仲春間漁舟可達桃
源寺龍笛遙傳櫻野山典到詩須迎海月客歸琴
緒倚雲關卽今相憶花林夕借問何人與徃還

祭亡兄竣事有感
却懷往事不勝情
門薄宗衰喪俊英
顏冉有才竟
中道扁倉騁技謾
鴻名春寒棣萼空
孤發日暮鶴
鴿只自鳴聊酌清觴
薦蘋藻蕭蕭風雨灑
柴荆
故人嘗此顧茅衡
別後新詩郢里聲
我自欲餐三
秀草君今堪擁五言
城機山春色來
綦組安水晴
波宜濯纓準擬報章
慙下里巖居翹首
杳含情

又

都城遊麗簇軒車
春賞知君興有餘
迎客芳筵銀
鑿落裁詩班管玉
蟾蜍雲晴碧嶂時
携策花發朱
門好曳裾新藻若
傳臨海作竿何久
已遲雙魚

八月十五夜

得蒸

九霄灑氣坐來澄
高卷踈簾新月昇
陰雨嘗愁跳
黑蟻晴雲乍散失
飛鵬誰家歌吹移
銀箭萬戶樓
臺逼玉繩最憶秋
江風露底煙艇閑
咏擬袁宏

訪服季璋

程谷南頭一訪君
幽居瀟灑絕塵氛
門前老樹臨

和川言草初細

十六

流水屋後青山帶暮雲
薜荔秋高遂初服烟霞情
遠舊能文清談剪燭西窗下
荷雨蕭蕭滴夜分

詠月中桂

應是姮娥手自栽
婆娑清質獨徘徊
標過黃道分河漢
光拂白榆掩斗魁
金粟遙從九天落
玉華偏向仲秋開
却嫌仙斧頻相伐
望後宵宵輪影摧

題輿平君菊園

雄島丈人清賞哉
名園勝槩至秋催
素綾紅纈皆殊絕
金友玉昆共逸才
對酒真斟甘谷水
餐英聊

籍楚江蒼黛
裘宴坐東籬
晚偏愛粲然佳色開

歲暮言懷

稜稜寒氣逼窮天
俯仰人間獨塊然
丙夜殘燈影相吊
丁年彩筆好誰憐
嚴風卷野搖脩竹
白雪滿山韻靜弦
自是迎新貧自若
琴書無恙舊青氊

又

獨夜蕭條掩草門
窮年荏苒住山樊
華圭自古困馮衍
丘壑而今著謝鯤
有智謾誇三十里
無爲孰講五千言
悠悠世上誰知己
咲見梅花媚小園

和川言草初細

十七

客至
郊坰一抹見炊烟
嶽雪獨留返照鮮
廢卷無朋娛
寂莫敲門有客訪
幽偏菊過節後花
猶少月自望
前影已圓且酌新
醪論尚古良宵清
興最可憐

齊仁佐過訪

暫時契濶折踈麻
爲喜幽林駐小車
烟翠欲流門外柳
松濤聊淪雨前茶
君堪鉤勒應鳴世
吾愧文章未作家
爲約重來值晴景
携尊嘉訊及櫻花

秋盡

澄江潦盡暮烟分
病客悲秋悵夕曛
黃菊經霜爲紫菊
白雲含雨作玄雲
謝安難保東山志
文舉寧清北海氛
自古英雄吞恨處
西風木葉不堪聞

毛伯諧過宿弊廬

清夜悲歌擊玉壺
寧論世路日崎嶇
飛騰徒羨摩天鵠
老大共驚過隙駒
此去滄洲應不遠
向來青眼慰相於
爲君欲折寒梅贈
落月淒風香有無

和巖間文叔見訪之作

霖雨衡門晝寂然
閑窻論古興堪憐
宮商細嚼休

文韻科斗真翻貝葉編白馬馱經開奧旨東陽比
律柝冥筌因君得問聲音妙不做尋常象胥傳

送人從軍之蝦夷

意氣看君壓太荒寧憚行路險艱長蝦夷風起雲
如墨水海天晴日暫黃玉帳時分金鎖甲錦鞍春
擁綠沈鎗料知醜虜膽先落宥使艤艫窺朔方
新命諸侯鎮北荒往年驕虜頗猖狂從軍豈啻張
威武宣化還應懷遠方重譯導山歷夷落左言迎
路奉壺觴知君幕府才殊絕倚馬時裁露布章

腰間三尺古青萍壯爾從軍赴北庭萬里揚旌臨
絕域千帆轉餉渡窮溟異花含霧山烟暗絕島連
雲海氣腥限界須標伏波柱勒功誰數孟堅銘
海鳴溟茫入不毛軍裝絡繹耀旌旄故園日遠南
雲絕窮髮天傾北極高豫識威稜動韎鞞兼將忠
信濟波濤從來王化應無外未必此行著戰袍

宿白雪園

先主人有印日耕
耘餘興故及之

奕世久知能好文訪尋投宿揖清芬新移幽石添
庭趣復倚晴窗眺嶽雲尚古高情貯書畫至今餘

和川言草初編 卷之七
興寄耕耘不須著屐求丘壑山水居然坐對君
興許入酬原廷顯見寄
河陽西望渺斜曛喜見新詩問白雲廿歲故人猶
健在中原騷客遠相聞共知沈約才殊進却使君
苗筆欲焚爲報鴻書時往返天涯何必嘆離羣
詠蓮光上人紙帳
誰製桑皮護坐禪寧論蕙帳覆閑眠時看虛白生
幽室更假丹青掃素烟瀑布無聲未枕上流雲有
影落襟前臥遊不啻少文似涼燠須知別有天

謾成

少年自負抱璠璣偶出下都馳盛譽咲倚佳人調
錦瑟時迎高士討玄書春眠曉覺聞啼鳥暑筵晚
酣觀鯨魚往事回首如萬古弊衣蕭索一茅廬

呈月汀上人

昨出山中任梵城憐君蹤跡異凡情卷簾坐愛雲
松色撫枕唯聽風竹聲此去閭閻纔咫尺竭來人
世絕經營踈鐘喚醒重昏夢殘夜烟汀片月明

宿時鋤園

後園小築避諠譁別是風流作一家濡迹人間寄
丘壑新詩象外摘烟霞簷臨苔徑蕭蕭竹窻對雲
溪淡淡花投宿轉憐人自遠松醪畱客飯胡麻
山曉踰箱根關
千折凌空澗道長山顛湖色靜洗洋波連天漢三
州裂雲抱芙蓉八葉藏馬跡苔深春磴暗鷄聲月
落曙烟蒼卽今自笑真人似關門凝紫曉霞揚
柴隱居移居攬秀亭賦呈
寄蹤官廨掩柴扉軒豁新營占翠微山秀窻中畫

屏列海晴簾外片帆飛涉園屐齒莓苔滑栽藥鋤
端芝朮肥棲託休論人我異此翁久已忘塵機

秋夜

天際嘹嘹南鴈愁讀離騷罷倚柴樓豈無芳耐陶
丹府其奈玄陰催白頭夜火人歸淡巷雨西風葉
落葦門秋武溪書札久寥豁轉覺知音不易求

代友人酬源白華

某與白華同仕信濃守
松平君君沒而罷

關山東望雪初晴獨寤春風懷友生海外嘗同問
殊俗人間偶爾掛空名九霄霜翮凌雲志千里烟

蹄伏櫪情乙夜開緘尤可喜而今喬木有遷鶯
先君丘墓古松春想見百年勳業新毛狄川原歸
板籍機山經始叶神人縱橫未盡英雄畧涓滴難
酬雨露仁聞說鷄林來歎塞豈無長策縵西鄰
以直其掘田士簡見訪弊廬賦之爲謝
遠別江城已十年重迎車騎舊交全聊憐對客催
詩興自咲傾家無酒錢一座雲山臨白社半庭春
草擬青氈知君藻思從來進綴緝風光入綺篇
贈善星象人

霄中星斗轉光輝襟抱濶如無是非指點白榆排
白石牢籠玄象運玄機稷門彫辯多浮誕落下算
推誤密微相遇始聞真火理如君數術世間稀

山行

探勝行行不覺疲山間石路自逶迤林衣紅染霜
過後松蕈香來雨霽時人倚斷崖听谷響猿攀垂
葛透寒枝偏憐幽境秋殊好寂寞叩成幾句詩
訪思玄道人不值

峰巒環拱古仁祠境遠地靈雲霧垂舊識湯休工

妙偈兼聞懷素擅臨池窺窻白拂橫虛室題句綠
蕉老薜墀恨殺良緣天未借斜陽門外立多時
廬山精舍新購全藏經賦之呈秦嶽尊者
白髮高僧令聞聞轉看山色益氤氳誰將四十九
年說約作五千餘卷金玉瓓金題輝皦日銀鈎鐵
槌映春雲神通不用窺龍窟白馬馱來覺路分

次東陸道人韻

斜陽歸鳥各西東有客幽尋一畝宮數處烟村砧
杵夕一川晴色稻梁風塵生范釜晨炊冷雲擁阮

途晚望窮休笑藜羹纔適口從來世味未能工

奉送服部侯之任松前

鎮臺遙指北荒陲攬轡不憚行路危海接龍飛潮
候異山連熊石地形奇敷恩春澤被玄朔持節英
風偃赤夷共許才賢奏嘉績政成正好報明時

和友人

聞說山陵新有事明和先帝掩岩扃東園秘
器遵遺詔北極典章重舊經雲隱紅樓眞月落雪
封仙洞佛燈青普天宜共同斯戚昨日教書衆樂

停

豈比錄倉借虎威寧齊鹿苑逼
皇徽濬源重醜
天潢派大樹真含朝日輝侯伯駿奔交玉帛雲烟
龍變護宮闈率賓宜共同斯慶何處恩波及側微
木子慎墓下作
追思平昔淚如絲肅肅墓門宿草衰萬卷文才深
自惜半生儒業少人知杞梁有婦廬猶在伯道無
兒家遂移天意茫茫高叵問寒雲斜日照殘碑

感遇

世事倉皇豈自禁况遭歲月逼窮陰霜松不改三
冬色老鶴長思萬里心唯有錢神舉世敬遂無劔
氣衝天侵棲棲自分窮閣裏白髮滿頭不可簪

芙蓉館集呈服先生

紅亭六曲竹闌干此日羣賢集席端海內名家今
幾在天涯孤客昔交歡千林梅蘂三春雪萬里烟
波一釣竿昨夜江南落花夢醒來高興可酬難

芻部子高宅重別諸君

惜別離亭飛羽觴萋萋春草映行裝數篇詩筆俱

贈我滿袖烟霞携返鄉征路遙分函嶺外片雲同
去駿河陽何堪惆悵臨岐處橋畔蕭蕭有綠楊

早雲寺

古寺蕭寥穹谷中儼然遺像託仙宮一從誅暴開
基業遂見握奇羅衆雄五世繁華餘慶盡八州草
木舊封空蘋蘩猶有山僧薦鐘梵過花韻夕風

稻川詩草初編卷之七終

和川言直

三十一

採選亭主人新刻活字板成矣字畫精工
可愛喜而賦之為贈


草火不須燒藥泥鑄成萬顆列瓊瑤長期海內流
傳遍應與武英珍板齊

清自莊公在初出多博先生
色以好如好不主父以之有先生
又法之深不若台子也換之生
而之先生存其心在能之自
隨之生年為好作即好也未未
之學矣先生也然觀之

空其子之了之乃生之求
子少海之有与乃之伊也
之求也保也保之

和田石味後

宗德公書



稻川玄度先生著述書目

稻川詩草

初編

五卷

出來

稻川文草

嗣出

五卷

周官聯事圖

近刻

一卷

古今韻箋

同

一卷

字緯

同

十二卷

文政四辛巳年初冬

駿府江川町一巻

書林 採選亭 鐵屋十兵衛 活版

剞劂 并書 玄玄亭 嶽下 李蹊

